

Polasaí Teagmhais Chriticiúil

Bunaithe ar

Freagairt do Theagmhais Chriticiúla

'Treoirínte NEPS agus Ábhair Acmhainne do Scoileanna' (NEPS 2016)

Agus Inseirbhís

Ón tSeirbhís Náisiúnta Síceolaíochta

Agus

I gcomhairle le Bord agus Foireann Choláiste an Phiarsaigh

Aidhmeanna

Is iad na haidhmeanna atá ag Coláiste an Phiarsaigh ná folláine agus leas na ndaltaí agus foireann na scoile a chosaint trí thimpeallacht shábhálta oiliúnach a chruthú i gcónaí. Tá an Bord Bainistíochta, trí Mhícheál Ó Tuama, tar éis polasaí bainistíochta Theagmhais Chriticiúil a dhréachtú mar eilimint amháin de na polasaithe agus pleananna scoile.

Is í an aidhm atá againn ná foireann bainistíochta teagmhais chriticiúil a bhunú chun an Plean Bainistíochta Teagmhais Chriticiúil a fhorbairt agus a chur i bhfeidhm.

Sainmhíniú

Aithníonn foireann agus bainistíocht Choláiste an Phiarsaigh teagmhas criticiúil mar ‘theagmhas nó sraith theagmhas a chuireann isteach go treascrach ar ghnáthscileanna na scoile chun deileáil le heachtra.’ Is féidir le teagmhas a bheith bainteach le dalta amháin nó níos mó nó ball fóirne amháin nó níos mó, nó ball den phobal áitiúil.

Samplaí:

- Bás ball de phobal na scoile trí eachtra, foréigean, féinmharú nó féinmharú amhrasta nó bás amhrasta eile
- Ionsá sa scoil
- Timpiste a bhaineann le ball/baill de phobal na scoile
- Mórthimpiste/ tragóid sa phobal mórthimpeall
- Damáiste dáiríre d’fhoirgneamh na scoile trí thine, thuile, loitiméireacht agus rí.

Taobh amuigh den pholasaí seo, tá plean don Teagmhas Criticiúil curtha le chéile.

Aidhm

Is í an aidhm a bhaineann leis an PTC ná chun cabhrú le bainistíocht agus foireann na scoile gníomhú go tapaidh agus go héifeachtach chun deileáil le heachtra, ionas gur féidir linn mothú smachta a choimeád agus chun a chinntiú go mbeidh an tacaíocht chuí ar fáil do dhaltaí agus d’fhoireann na scoile i gcoitinne. Ba cheart go gcabhródh plean maith chomh maith, ionas go mbeidh tionchar teoranta ag an eachtra ar dhaltaí agus ar fhoireann na scoile uile. Ba cheart go gcabhródh sé linn leanúint ar aghaidh mar is gnáth i ndiaidh an imeachta, chomh luath agus is féidir.

Ag cruthú straitéise chun dul i ngleic le himeacht agus éiteas comhbhách sa scoil

Táimid tar éis córais a chur i bhfeidhm chun athléimneacht a bhunú i measc daltaí agus foireann na scoile, a chabhróidh leo chun dul i ngleic le réimse leathan imeachtaí sa saol. Clúdaíonn sé seo pleananna chun tabhairt faoi shábháilteacht fhisiciúil agus shíceolaíoch pobal na scoile araon.

Sábháilteacht Fhisiciúil

- Plean aslonnú foirmilthe
- Dril dóiteáin rialta ar siúl
- Seiceáil rialta ar na bealaí éalaithe dóiteáin agus ar na múchtóirí dóiteáin
- Maoirseacht i gclós na scoile roimh scoil
- Rialacha an chlóis

Sábháilteacht Shíceolaíoch

Is í an aidhm atá ag bainistíocht agus foireann Choláiste an Phiarsaigh ná cláir agus acmhainní atá ar fáil a usáid chun dul i ngleic le forbairt phearsanta agus shóisialta daltaí, braistint/ mothú sábháilteachta agus slándála sa scoil a leasú agus a fheabhsú agus chun deiseanna a thabhairt cumarsáid agus athmhachnamh a dhéanamh.

Samplaí

- Tá an cúrsa OSSP comhtháitithe in obair na scoile. Tugtar túsáite sa churaclam OSSP do bhuncheisteanna cosúil le cumha agus cailteanas; scileanna cumarsáide; bainistíocht brú agus feirge; athléimneacht; bainistíocht coimhlinte; fadhbanna a réiteach; ag lorg cabhrach; bulaíocht; cinntí a dhéanamh agus cosc ar mhí-usáid drugaí agus alcóil. Tá cur chun cinn sláinte intinne mar chroílár an socraithe seo.
- Bíonn traenáil OSSP ar fáil d'fhoireann na scoile.
- Tá taithí ag gach ball foirne ar Mhodhanna Sábháilteachta an linbh agus cur amach acu ar an DIA
- Cuirtear leabhair agus acmhainní ar fáil faoi na deacrachtaí a bhíonn ag daltaí bunscoile agus meánscoile
- Cuirtear eolas ar fáil faoi shláinte intinne i gcoitinne agus faoi chomharthaí ar leith a bhaineann le dúlagar agus imní
- Cuirtear foireann na scoile ar an eolas faoin bhfeasacht i leith féinmharú agus tá roinnt den bhfoireann tar éis freastal ar thraenáil faoi leith.
- Cruthaíodh nasc idir an scoil agus roinnt gníomhaíochtaí seachtracha; Jigsaw, Pieta House agus Foróige san áireamh.
- Tá Polasaí Frithbhulaíochta soiléir ag an scoil agus téann an scoil i ngleic le cásanna bulaíochta de réir an pholasaí sin.
- Tá córas cúram leanaí ar bun sa scoil ag usáid an chur chuige ' leanúntas tacaíochta' atá sna himlínte sa doiciméad NEPS, foilsithe i 2007 do bhunscoileanna agus i 2010

do mheánscoileanna. Féach chomh maith ar Fhoirne Tacaíochta Daltaí i Meánscoileanna (2014). Tá na doiciméid se ar fáil ar www.education.ie

- Cuirtear na daltaí atá i mbaol ar aghaidh chuig an mball foirne a ainmníodh (comhairleoir na scoile nó múinteoir tacaíochta), déantar fiosrú agus plé ar aon ábhar imní agus tugtar an leibhéal ceart cabhrach agus tacaíochta. Cuirtear tuismitheoirí/ caomhnóirí ar an eolas, agus más gá iad a chur ar aghaidh chuig an ngíomhaireacht chuí.
- Tugtar an t-eolas cuí do bhaill na foirne faoi conas tacaíocht a fháil dóibh féin.

Foireann Bainistíochta Teagmais Chriticiúil

Bunaíodh Foireann Bainistíochta Teagmhais Chriticiúil atá in oiriúint don chleachtas is fearr. Roghnaíodh baill na fóirne ar bhonn deonach agus coimeádfaidh siadsan a ról ar feadh scoilbhliana amháin ar a laghad. Tiocfaidh baill na fóirne le chéile go bliantúil chun léarmheas a dhéanamh ar an bpolasaí agus ar an bplean agus chun é a thabhairt suas chun dáta. Tá fillteán Teagmhais Chriticiúil ag gach ball den bhfoireann. San fhillteán seo beidh an Polasaí agus an plean agus acmhainní áirithe atá oiriúnach don ról atá acu a bheidh le husáid i gcás eachtra.